

汗不可清淨以不潔汗是故彼心自性清淨
心得解脫善男子如是名入淨明三昧門善
男子彼普光佛為二菩薩說如是法彼二菩
薩聞是三昧於諸法中得不可思議法之光明

勝思惟梵天所問經卷第四

萬八

希望

下音代

覆

上音伐

駢

下音反

勝思惟梵天所問經卷第五

萬九

元魏天竺沙門統大乘論師菩提留支譯

爾時無盡意菩薩白普光如來言世尊我等
已聞入淨明三昧門當以何行行此法門時
普光佛告無盡意菩薩言善男子有二法行
汝等當行若如實說法若聖默然時二菩薩
一

從佛受教頭面禮足繞佛三匝繞已而出趣
一園林有妙池水自以神力化作寶樓於中
修行時有梵天名曰妙光與諸梵俱七萬二
千來至其所頭面禮足問二菩薩言善男子
普光如來說如是言汝等善男子大眾集會
當行二事若如實說法若聖默然善男子何

謂如實說法何謂聖默然二菩薩言梵天汝
今至心善聽我當少分為汝說之如汝所問
唯有如來乃通達耳於是二菩薩以二句義
為諸梵眾廣分別說時諸梵眾七萬二千皆
得無生法忍妙光梵天得普光三昧時二菩
薩於是七萬六千歲中以樂說力無礙辯才

答其所問如實說法若聖默然不懈不息分
別二句互相問答而不窮盡於是普光如來
在虛空中作如是言善男子汝等勿於文字
言說而起諍訟凡諸言說皆空如響如所問
答亦復如是汝等二人皆悉獲得無礙辯才
及無盡陀羅尼若於一劫若於百劫說此二

句辯不可盡善男子諸佛之法是寂滅相第一之義此中寂靜畢竟寂靜無字無義不可言說所有言說皆是無義是故汝等諸善男子當依於義莫依名字時二菩薩聞佛教已默然而止善男子以是義故當知菩薩若以辯才有所說法於百千萬劫若復過於百千

萬劫不可窮盡善男子於意云何彼二菩薩豈異人乎勿作斯觀無盡意者今文殊師利是益意菩薩汝身是也妙光梵天勝思惟是爾時平等行菩薩白佛言希有世尊諸佛菩提為大饒益精進衆生如說行者得出菩提世尊衆生懈怠其有不能如說行者雖復值

遇百千萬佛無能為也是故當知從勤精進得出菩提爾時文殊師利問平等行梵天婆羅門大婆羅子言善男子汝知菩薩云何修行名勤精進答言文殊師利若菩薩能得聖道名勤精進曰云何修行能得聖道曰若於諸法無所分別如是行者能得聖道曰云何

萬九

二

名為得聖道已曰若行者於平等中見諸法等是則名為得聖道已問言善男子所言平等可得見耶答言不也何以故文殊師利若平等法可得見者則非平等文殊師利若能不見諸法平等是則名為見於平等爾時勝思惟梵天問文殊師利法王子言善男子諸法平等可得見不答言梵天不可見也若見平等非平等見梵天言文殊師利若行者於一切法平等相中不見諸法是則名為得聖道已問言梵天何故不見梵天答言離於二相是故不見文殊師利如是不見即是正見問言梵天於世間中誰能平等見梵天答言諸佛如來問言梵天云何能見梵天答言文殊師利如色真如不異作受想行識真如亦不異作文殊師利如五陰平等名為見平等問言梵天何者是世間梵天答言滅盡是世間問言梵天若彼滅盡是世間者世間之相盡以不耶梵天答言世間之相不可盡也問

言梵天以何義故說言世間是滅盡相梵天
答言世間畢竟是滅盡相以是義故相不可
盡何以故以是盡故不復更盡問言梵天佛
可不說諸有為法是盡相耶梵天答言盡法
相者彼常不盡是故佛說一切有為相不盡
也問言梵天何故數名有為法耶梵天答言

萬九

三

以其盡故名有為法問言梵天有為諸法為
住何所梵天答言有為法住無為性中間言
梵天若如是者有為之法與無為法有何差
別梵天答言有為之法與無為法文字言說
有差別耳何以故文字言說即是有為是無
為故若求有為無為法相則無差別以彼法
相無分別故問言梵天何等法上有此言語
梵天答言得無為法則不分別法上言語問
言梵天何等言語名為義耶梵天答言所謂
為他令心取相說彼言語何以故一切文字
名為戲論而佛如來不住戲論不依不說文
殊師利一切言語本非言語是故佛說一切

諸法不可說也何以故諸佛如來非彼言語
而得名故問言梵天諸佛如來云何得名梵
天答言諸佛如來非色非相非法得名問言
梵天諸佛如來可離色法而得名耶答言不
也文殊師利何以故以色身如及法體如彼
二如法非一非異諸佛如來如是得名如來

如實真如得名若佛如來如實得名彼則不
失問言梵天諸佛如來得何法故名號名為佛
梵天答言文殊師利諸佛如來皆以通達一
切法性清淨真如如彼真如如是而證諸佛
如來如是得名是故名號為正遍知者爾時平
等行梵天婆羅門大婆羅子白佛言世尊云

何菩薩摩訶薩住大乘中而說言住爾時世
尊以偈答言

菩薩不壞色	住於菩提心	知色如菩提
是點慧菩薩	如色菩提然	平等入如相
不壞諸法性	是點慧菩薩	不壞菩提義
則為菩提義	是菩提義中	亦無有菩提

正行第一義

是名住菩提

菩薩點慧人

世有佛無佛

一切諸法空

點慧諸菩薩

如是解菩提

愚於陰界入

而欲求菩提

不捨彼法體

現見佛諸法

所有法體相

陰等是菩提

不別有菩提

點慧諸菩薩

為於衆生說

以住真如故

諸魔不能測

於上中下法

不取亦不捨

是名住菩提

以諸行甚深

點慧不取法

遍知諸法故

點慧不分別

法非法為二

亦不得不二

求知佛智慧

而不住於彼

智不有住處

是名行菩提

若二則有為

非二則無為

非不住異處

諸佛慧無礙

不著法非法

離是二邊者

是名行菩提

是人過凡夫

若能不著此

究竟得菩提

其諸樂善人

亦不入法位

未得果名聖

是世間福田

布施轉高尊

捨一切所有

而心不傾動

觀察世間法

處中若蓮華

遵行最上道

諸法不可捨

亦復不可取

一切世間法

是名住菩提

世間行何處

菩薩彼處行

我本不可得

如實知諸法

非縛非解脫

一切諸世間

悉沒何等法

點慧如實知

佛說是施主

無所見法故

是等諸菩薩

於中得解脫

點慧則不畏

沒於世間淵

不計我我所

是故行施時

不生貪惜心

不怯心劣心

行於菩薩行

菩薩點慧人

諸所有布施

皆迴向佛道

布施及菩提

善知法性相

是故不分別

是法是非法

不住是二相

無作無起戒

常住戒法中

點慧菩薩行

無法可捨離

亦無法可起

亦不作念言

我住是持戒

點慧知戒相

是名菩提相

一切法無相

猶如虛空相

不生亦不作

是故菩薩戒

清淨如虛空

點慧者不念

是相是可相

菩薩常護法

觀身如鏡像

言說如響聲

心則如幻化

以住於平等

平等即是法

以不分別法

不以戒自高

其心常柔輒

安住寂滅性

萬九

四

萬九

五

萬

悉滅一切惡 通達於善法 持戒及毀戒
不得此二相 如是見法性 則持無漏戒
已到忍辱岸 能忍一切惡 於一切諸法
其心常平等 諸法念念滅 其性常不住
於中無罵辱 亦無有恭敬 若節節解身
其心終不動 知心不在內 亦不在外故

身怨及刀杖 皆從四大起 點慧悉現見
名為忍辱人 於地水火風 未曾有傷損
通達於此事 常行忍辱法 菩薩行如是
衆生不能動 勇猛勤精進 堅住於大乘
是人於身心 而無所依止 雖知生死本
其際不可得 為一衆生故 莊嚴大誓願

法本不生滅 何處有滅相 本際不可得
顛倒見起滅 法性常爾住 故不可思議
若能知如是 不生亦不滅 菩薩念衆生
不解是法相 為之勤精進 令得離顛倒
諸佛常不見 衆生決定相 而不捨發心
是名精進人 思惟一切法 皆知如幻化

智慧不得堅 觀法如虛空 從虛妄分別
貪著生垢染 為斯開法門 令得入涅槃
為彼行精進 而不壞於法 離法非法故
常行真精進 是等行遠離 以得無諍定
獨市俱不住 而常畏世間 樂住於閑居
猶如犀一角 遊戲諸禪定 明達諸神通

心常住平等 等空閑聚落 平等無分別
常爾名寂靜 常解知寂靜 無漏無分別
信法得解脫 故說名寂靜 來去皆平等
彼常住平等 不滅於平等 故說住平等
自住平等法 以此導衆生 不違平等行
故說常定住 志念常堅固 不忘善提心

而能化衆生 故說常定者 常念於諸佛
真實法性身 遠離色身相 故說常定者
常修行諸法 如諸法法體 而無有憶念
故說常定者 常不捨念僧 知僧是無為
離於數寂靜 善思惟點慧 十方佛國土
悉見於諸佛 而於眼色中 終不生二相

諸佛所說法 一切能聽受
 亦不生二相 能於一心中
 自心及彼心 此二不分別
 如恒河沙劫 是先及是後
 能遍至無量 不思議佛所
 無有疲倦相 分別知諸法
 樂說辯無盡

而於耳聲中 知諸眾生心
 憶念過去際 亦復不分別
 而於身心中 樂說辯無盡
 於一切眾生 無有慳吝心
 無垢之大乘 此乘如虛空
 若有諸眾生 乘此大乘者
 寬博多所容 無量無數劫
 及乘此乘者 功德不可盡
 彼人離諸難 得值諸無難
 此是智慧人

於無央數劫 開示法性相
 以解陰界入 常為眾生說
 善知因緣法 遠離二邊相
 知亦是淨因 信解因緣法
 法皆屬因緣 無有定根本
 佛見與空見 世間涅槃見
 皆無如是見

智慧到彼岸 無取無戲論
 知是煩惱因 則無諸邪見
 點慧無我見 皆無如是見
 聞是妙經典 乃至四句偈
 得到安隱處 愛敬此經者
 以捨是身已 常生人天故
 若得聞是經 我皆與授記
 若後惡世時 手執此妙典
 能轉此法輪 若人持是經
 能轉無量劫

以智慧光明 知一切法性
 是智者行道 是業名大乘
 悉容受眾生 是大乘菩提
 是乘為第一 如此大乘者
 餘乘有數量 不能受一切
 能悉受眾生 若行此無量

無闇無障礙 不思議佛乘
 一切諸乘中 能出生餘乘
 唯此無上乘 虛空之大乘
 生死趣往來 得近於佛道
 智慧大精進 是人極勇猛
 然燈授我記 令得無生忍
 我授記亦然 若佛不出世
 愛樂此經者 作佛所作事
 說此偈時五千天子皆發阿耨多羅三藐三

萬九

七

菩提心二千菩薩得無生法忍五千比丘不受諸法漏盡心得解脫三萬二千人遠塵離垢於諸法中得法眼淨

爾時文殊師利法王子白佛言世尊如我解佛所說法義若有人發菩提願者是為邪願何以故一切諸法若有所得悉皆是邪若有人計有得菩提而發願者如是之人諸所作行皆為邪行何以故以彼菩提不住欲界不住色界亦復不住無色界故若彼菩提無有住處不應發願世尊譬如有人願得虛空彼人寧有得虛空不佛言不也如是世尊菩薩亦爾發虛空相菩提之願當知即是發虛空願是菩提無願出過三世非是受相若菩薩起於二相發菩提心作如是念異彼生死而有菩提異彼菩提而有涅槃然彼菩薩非菩提行爾時勝思惟梵天問文殊師利法王子言文殊師利云何菩薩摩訶薩行菩提行答言梵天若菩薩行一切法而於諸法無所行

萬九

八

者是為菩薩行菩提行何以故梵天過諸所行是名菩薩行菩提行又復問言文殊師利云何菩薩行過諸所行是行菩提行答言梵天遠離一切諸攀緣相離於眼耳鼻舌身意諸緣之相是名菩薩出過一切諸境界行又復問言文殊師利言出過者以何意故如是說耶答言梵天不過平等何以故梵天諸法平等即是菩提又復問言云何菩薩起菩提願答言梵天當如彼菩提又復問言云何菩提答言梵天菩提者非過去非未來非現在是故菩薩三世清淨觀起菩提願梵天如過去未來現在諸法本來不生若本不生則無修行如是起願彼人無有處所發願何以故如是發願行菩提行得一切種一切智智又復問言何義名為一切智智答言梵天一切悉知是故說為一切智智又復問言以何等法是一切智答言梵天無別異相以何等處無衆生相如彼衆生如是而知是故名為無

別異相又復問言云何名為無衆生耶答言
 梵天言衆生者但有名字離名字性則無衆
 生離彼衆生則無名字是故名字不異衆生
 衆生之性不異名字若有菩提異衆生者應
 有二相以如菩提衆生亦爾以是義故不異
 衆生有菩提也以不異故菩提平等菩提平

萬九

九

等則我平等如是平等而得菩提彼法無異
 以是義故彼無異也我常平等如彼無我是
 故無我無異於我如彼虛空無有異相如是
 平等一切諸法無有異相

爾時勝思惟梵天謂文殊師利法王子言文
 殊師利當知如來是實語者以如實解如是

法故文殊師利法王子言梵天佛於諸法無
 所修行何以故如來猶尚不得諸法何況修
 行梵天問言文殊師利如來豈可不知諸法
 是有為法是無為法是世間法是出世間法
 耶文殊師利問言梵天於意云何頗有人能
 修行虛空知虛空不答言不也問言梵天所

說虛空虛空頗有生滅不取答言不也文殊
 師利言梵天如是諸法猶如虛空如彼虛空
 無有生滅一切諸法亦復如是不以說故便
 謂諸法有生有滅梵天如此說法無有所說
 一切諸法而可說也以一切法不生不滅故
 無可說若所說法不生不滅無可說者說亦

如是無法說也何以故如彼法說以何等識
 說彼諸法彼識亦爾以是義故言說諸法真
 如法住無真如住而真如不生爾時四天王
 釋提桓因大梵天王娑婆世界主集在會中
 即以天華散於佛上而作是言世尊若善男
 子善女人聞文殊師利法王子說如是法有

信解者當知是人能破魔軍及諸怨敵何以
 故以法王子文殊師利善說諸法離一切相
 若有善男子善女人得聞如是甚深法門不
 驚不怖能信解者當知是人必定不從小功
 德來若是經典所在之處當知其處佛所住
 持若有得聞如是甚深法門之處當知其處

佛轉法輪隨是經典在所住處若聚落城邑山林曠野塔寺僧房經行之處諸魔外道貪著之人所不能行若多供養過去諸佛乃能得聞如是經典於是經中我等獲得智慧光明而不能得仰報如來文殊師利勝思惟梵天之^萬大恩也我等常於所從聞經說法法師

^萬九

十

生世尊想能以血肉而供養之猶不報恩我等諸人於是法師生世尊想我等諸人常當隨侍說是法者此善男子常為諸天之所衛護世尊若人書寫如是經典若讀若誦若解說時無量諸天為聽法故往至其所爾時世尊告四天王釋提桓因梵天王等諸大眾言

善哉善哉諸善男子如汝所說如是如是若有三千大千世界滿中七寶布施福德以為一分聞是法門所得功德其福勝彼諸善男子置是三千大千世界有人若如恒河沙等十方世界滿中七寶布施福德以為一分聞是法門所得功德復過於彼諸善男子若有

欲得諸功德者當聽是經若有欲得身色端正欲得財富欲得眷屬欲得自在欲得具足天樂人樂欲得名稱欲得多聞憶念堅固正行威儀戒定智慧解達經書欲得善知識欲得樂說辯才欲得三明六通欲得一切善法欲得與諸眾生一切樂具欲得涅槃者當聽

是經敬信是經受持讀誦如說修行廣為人說諸善男子若有人能行是經者我不見其有不攝受如此一切諸勢力者諸善男子我今語汝若人所從聞是經者若是和尚若阿闍黎我未曾見世間所有供養之具能報其恩以是法門出於世間世間供養所不能報

^萬九

十

何以故以是法門過於世間世間財物所不能報是法無滌滌汗之物所不能報不可得^以世間資生飲食卧具所能報恩諸善男子說是法者餘不能報唯有一事謂如說行若有人能於此法門如說行者是人名為能報佛恩是人亦名恭敬於師淨畢報恩是人不

空食人信施是人名為順如來教是人名為越度衆流是人名為過諸險道是人名為建立勝幢是人名為能破敵陣是人名為師子之王無所畏故是名象王能降魔故是名牛王外道論師無能壞故是名醫王療衆病故是人名為無所怖畏能說如是甚深法故是人名為能具足捨能捨一切諸煩惱故是人名為持清淨戒究竟一切諸善法故是人名為得大忍辱以得遠離我我所故是人名為大精進力於無量劫心無倦故是人名為具足禪定心常繫念住一處故是人名為有大智慧善解言說諸章句故是人名為有大功德以無量福嚴身相故是人名為有大威德能蔽日月諸光明故是人名大力持佛十力故是人名大雲能震法雷故是人名大雨滅煩惱塵故是人名歸依以至涅槃故是人名大救救生死畏故是人名燈明離無明闇故是人名歸趣魔所驚怖者之所歸依故是人

名究竟大道之衆生是人名得位以坐道場故是人名得法眼是人名見真如是人名知空是人名為安住大悲是人名為安立大慈是人不捨一切衆生是人名為背於小乘是人名為向於大乘是人名為除捨顛倒是人名為至于平等是人名為入於法位是人名為安住道場是人名為破壞諸魔是人名為住一切智是人則能轉于法輪是人能作佛所作事諸善男子我若一劫若餘殘劫稱揚彼人讚歎彼人說其如說修行功德不可窮盡如來之辯亦不可盡所有功德亦不可盡爾時會中有一天子名不退轉在大會坐時

萬九

十三

不退轉天子白佛言世尊世尊所說隨法修行隨法修行者云何說名隨法修行佛言天子如我所說隨法行者謂不修行一切諸法故名修行一切諸法何以故若人修行一切諸法彼法不作亦非不作若法不作亦非不作是則名為隨法修行如是行者則不行善

不行不善不行有漏不行無漏不行世間不行出世間不行有為不行無為不行生死不行涅槃是則名為隨法修行若不修行一切法者名為修行以世間人有法相者不如實行若有法相彼人則無如實行若人不能住於法中不如實行一切諸法以一切法無有對故如是說名如實行

爾時不退轉天子白佛言世尊若能如是如實行者是人畢竟如實行何以故實法行者名為畢竟如實行非是住於邪行道者住正道者有隨法行世尊行正行者無有邪法何以故諸法平等無差別故

爾時勝思惟梵天問不退轉天子言善男子汝住如實行中耶答言梵天若使世尊所說法中有二相者我則住於如實行今以說法無有二相是乃名為如實行梵天而我如實住彼行中以常不作亦不戲論如真如法如是修行如實之法我住彼法如彼法

萬九

三

行是故我說住於修行梵天言天子我常於此佛國土中不曾見汝天子言梵天我亦於此佛國土中不曾見我梵天言天子此佛國土非是分別無所分別我見不見天子言梵天我亦如是亦不分別無所分別曾於佛土見與不見問言天子何人能見未曾見耶答言梵天謂諸凡夫一切未曾見聖法位若能入者是則名為先所未見而能見也是法位如非眼識見亦復非是耳鼻舌身意識所知但諸聖人如彼真如如是而見如眼耳如乃至意如及法位如亦復如是若有能作如是見者是名正見

爾時釋提桓因白佛言世尊譬如商主入於寶洲眼所見者皆是寶物如是成就不可思議諸功德者有所樂說皆是法寶皆示實際以是諸善男子不著我見不著衆生見故是諸善男子有所樂說皆不顛倒是諸善男子有所樂說能清淨本際不見後際不見現在

際是諸善男子有所樂說若無信者能令生信若已信者令得解脫是諸善男子有所樂說若憍慢者能令降伏無憍慢者令如實知是諸善男子有所樂說一切諸魔不能得便其有聞者過諸魔業是諸善男子有所樂說若有未生諸善法者則能令生若有已生諸善法者能令不滅是諸善男子有所樂說現在煩惱已生能斷未生煩惱能令不生是諸善男子有所樂說若有未發善提心者則能令發已發心者能令不退是諸善男子有所樂說能令一切諸法不斷攝取一切諸法不滅是諸善男子有所樂說能令滿足一切佛法世尊以是樂說能善降伏一切外道何以故世尊一切野干師子王前不能勝身何況出聲世尊一切外道諸論義師亦復如是不能堪忍堪作無上師子王吼爾時不退轉天子問釋提桓因言憍尸迦所言師子吼師子吼者爲何謂耶以何義故名師子吼答言天

萬九

卅

子若行者說法無所貪著而有所說是則名爲師子吼也若行者貪著所見而有所說是野干鳴不得名爲師子吼也以起一切諸邪見故天子汝當復說云何名爲師子吼者天子答言憍尸迦若行者有所說法乃至如來尚不貪著何況餘法是則名爲師子吼也又憍尸迦若行者如說修行如是說法名師子吼決定說法名師子吼說法無畏名師子吼又憍尸迦若行者爲得諸法不生不滅不爲法生不爲法滅如是說法名師子吼又憍尸迦若行者爲無垢無淨無合無散是故說法名師子吼又憍尸迦師子吼者名決定說一切諸法悉無有我無衆生等名師子吼以決定說諸法皆空無相無願名師子吼守護法故而有所說名師子吼爲諸衆生令得解脫發善提心說如是言我當作佛如是說法名師子吼若能清淨資生知足如是說法名師子吼常能不捨阿蘭若處如是說法名師子

吼若自行施化他令施如是說法名師子吼
若能不捨成就威儀如是說法名師子吼等
心怨親如是說法名師子吼常修精進不捨
本願如是說法名師子吼能除煩惱如是說
法名師子吼能以智慧善知所行如是說法
名師子吼當說如是師子吼時於此三千大

萬九

五

千世界六種震動百千妓樂自然出聲放大
光明普照天地百千諸天踊躍歡喜而作是
言此不退轉天子所說師子吼法我等得聞
於閻浮提則為再見轉于法輪時佛微笑諸
佛常法若微笑時則有若干百萬種青黃
赤白紅紫等光從口中出普照無量無邊世

界上過梵世蔽日月光照已還攝繞身三帀
從頂相入於是勝思惟梵天向佛合掌偈讚
請曰

度一切慧最勝尊 悉知三世衆生行
智慧功德及解脫 願為演說笑因緣
佛慧無量不思議 知衆生心無障礙

隨應說法稱根性 聲聞緣覺所不及
唯願最勝無上尊 為我演說笑因緣
善淨無垢月光明 如帝釋王梵天王
普照天人須彌山 及鐵圍等一切山
唯願最勝無比尊 為我演說笑因緣
大聖寂然離瞋恨 天人瞻仰無厭足

一切皆蒙得快樂 願為分別笑因緣
通達諸法如虛空 水沫電雲幻夢影
水中月等虛空相 願以妙音說笑緣
離分別相諸邪見 了空無相及無作
常樂禪定寂然法 願說放此淨光緣
不著文字言語聲 為諸衆生常說法

不著我法無垢慧 一一法句如來說
智通根力皆具足 華光智慧為我說
如來世尊能永滅 生老病死一切苦
那羅延力勇猛力 降伏一切諸魔力
能與衆生無歸者 而作歸依法燈明
唯願勇猛天人師 為我分別說笑緣

爾時世尊告勝思惟大梵天言梵天是不退轉天子汝為見不大梵天言如是世尊唯然已見佛言梵天此不退轉天子從今已後過三百二十萬阿僧祇劫當得作佛号須彌燈王如來應正遍知乃至佛婆伽婆世界名善化劫名梵歎其佛國土閻浮檀金瑠璃為地

萬九

上

純菩薩僧勇猛降伏諸魔怨敵所須之物應念即至如堯率天佛壽無量不可計數說法無過於是勝思惟梵天謂不退轉天子言天子如來今已授仁者記天子言梵天我之受記如與真如法界授記與我授記亦復如是梵天言法性法界不可授記天子言如法性

法界不可授記當知一切菩薩授記亦復如是梵天言天子若佛如來不與汝記汝於過去諸如來所是則便為空修梵行天子言梵天若無所住是住梵行問言天子云何無住而住梵行荅言梵天若不住欲界不住色界不住無色界是住梵行復次梵天若不住我

不住衆生不住壽命不住人者是住梵行以要言之若不住法不住非法是住梵行問言天子所說梵行為有何義荅言梵天住不二道是梵行義問言天子住不二道為住何所荅言梵天住不二道是即不住一切諸法何以故以衆賢聖皆無所住不取於法不度諸流問言天子云何修道荅言梵天不墮有無故不分別是有是無如是修者名為修道問言天子為以何法而修道耶荅言梵天不見聞覺知等法亦不以得亦不以證於一切法無相無示名為修道

十七末

勝思惟梵天所問經卷第五

萬九

黠慧 上開八反 智利也 疲倦 上音皮下 渠眷反 闇 音洲 水

水沫 下音末